

DS
793
S320523
1865
v.9

續志

冊	9
卷	1



皇上

續修稷山縣志序

續承大寶之五年仁風翔洽海寓又於
山石當大禋之後歲稔民和室家完聚於
是

大中丞湘鄉曾公恭奉

明詔

纂修山西通志先撥名屬志書一就修

輯以備通志采擇焉甚盛舉也家鼎備

員茲邑承符從事是役罔敢懈謹取

舊志詳攷之溯穆山之有志創始明季

洎入

國朝

康熙乾隆嘉慶以迄同治間代有纂輯

至是蓋五修矣其山川險易疆域沿革

古聖名賢流風故俗舊志章、靡得
移易而孝弟節義之倫文章淵雅
之考輝煌川岳藻繪

與夫任躬牧而弭循良軒襲

亭毒黔黎立樂公之社畝捐鄉之愛者

閱世間生有待彰聞況值

承平

日久偶丁百六陽九之運兵燹甫蘇加以
饑饉其間冒鋒鏑慎義利而溝壑而
如歸委雲荼而靡悔尤足以措柱人紀
振策衰頽舉宜大書特書不一書以信
今而詔後邑志之修微
大中丞檄抑亦守土者之責也願有所得

賢乎高君列三好義士也出其私財白金
一千五百鏹以成此舉乃進邑之士大夫
相與揚擢博采旁求缺者補之畧者
詳之昔無而今有者討論而附益之殫
志鉤稽勿敢減裂深恐有負劉原父識五
代史不為韓瞳眼主傳以為二等文字此群

策群力閱數月而志以成而高君之湏實乃
羸焉爰攷之志東関有韋公祠故址韋公
者有功德斯民歿而祀焉者也與邑人士
議而新之復稽志乘所紀官斯土而與韋
公後先濟美如明巡撫何公喬新諸君凡
十五人疏其爵里姓氏崇祀於祠之東楹

其西楹則忠義節孝

部議主初建坊前以資絀僅登之志而
未及修建者衆舉而附祀之報功崇德
秩然燦然皆高君之力也而其資糧未罄
則又授之富商歲取其盈以備邑之役需
嗚呼為高君者其亦可尚矣乎此古昔聖王

所以藏富於民而周禮习徒八政必亟於
保富者良有以哉故因識是志之成連類
而樂書之繼自今

國

家重熙累洽久道化成吾民幸生


盛時


休養生息日以繁庶閱數十年而志且再
修抑其時或更有為韋公初之待興舉

者邑人其有例高君之義而踵起也是
則守此土者所厚幸也夫是為敘

光緒十有一年歲在乙酉仲冬知稷

山縣事會稽馬家鼎書於官署





西山總軍會辭馬家鼎書計官
張部十兩一平歲在己酉仲冬昧昧
仰宣北平能臣等率同夫是為終
普通三人其即向高氏之嫌而重其

稷山縣志續修姓氏

纂修

稷山縣知縣

馬家鼎

浙江會稽人

分纂

稷山縣教諭

武光昌

廩貢靈石人

稷山縣訓導

馬佩金

優貢陽曲人

候選教諭

閻廷獻

聘三已未副貢

內閣中書

鄭克昌

壽卿庚午舉人

編次

增

生

鄭鑑如

郎

中

杜煖

子英

采緝

右

玉

教

諭

王文化

棠南戊午舉人

歲

貢

王育槐

廩

貢

王秉南

岳

陽

訓

導

衛樹椅

琴三辛酉舉人

廩

生

焦玉瑞

生

員

韓文濤

甲子舉人 甯毓秀

生

員 賈 鈺 其相

增

生 樊鶴鳴

壬

午 舉

人 王熙源 筱泉

增

生 王維屏

廩

生 解振家 聲三

候

補 知

縣 衛恩奎 鼎三

貢

生 賈 修

廩

生 程毓瑞 符卿

待

詔

銜

甯從龍

雲亭

生

員

王國賓

廩

生

王建勳

麟閣

五

品

銜

杜煥

耀如

廩

生

鄭克類

錫卿

理

問

段希聖

時齋

按

知

事

葛克義

廩

生

焦聯芳

生

員

范青藜

候選教諭杜燦英三癸酉拔貢

生員高紹先

監生馬維新

孝廉方正張森寶書

同知姚鳳芝瑞軒

生員程攀龍

候選訓導張耀辰樞北

生員張孝友

增生史炳耀

候

選

府

經

馬希波

景援

廩

生

薛開泰

春甫

增

生

趙秉純

靜亭

候

選

府

經

鄭永楨

生

員

張鏊

廩

生

蘇百安

候

選

府

經

原心釗

健堂

廩

生

李春英

錦堂

廩

生

趙維漢

倬堂

稷山縣志續修目錄

卷之一

建置

城池

祀典

學校

附書院

紀恩

戶口

兵防

職官

宦績

選舉

職吏例職武科
武秩封贈附

人物

孝義

出粟殉難
遭荒附

藝術

祥異

穆山縣志

卷之一 目錄

藝文

詩附

卷之二

烈女

殉難遭荒
狼災附

思文祠在學宮坤隅爲惜字之所肇自咸豐五年邑
令沈鳳翔督同紳士姚鴻漸等集貲創建西房三
楹北房三楹焚鑪一所原捐銀一千三百兩發商
生息歲覓二人常川持筐撿拾妥爲焚化送諸清
流諸紳董其事

土地祠在縣署西同治十一年知縣田依渠重修

宣化門卽縣署大門上建鼓樓同治十二年知縣田

依渠重修

洞神宮在縣北迤西乾字域元道人張志朴建明嘉

和山集元
靖四年重修本

朝乾隆二十八年募修光緒二年知縣崔增源督同紳

士李錦等集資重修

邑治東郭外舊有韋公祠明萬歷間知縣李汝器建

邑人梁綱記迤東有中丞何公祠隆慶間知縣孫

倌建梁綱記萬歷間並祀中丞辛公改名二公祠

御史何東序記後復附邑侯馬公楊公孟公貳尹

韓公又名名宦祠解元王寬記數百年來墻宇傾

圯一空光緒七年邑侯馬家鼎倡義重建聯兩祠

爲一體因故址爲新宇正堂三楹中楹顏曰韋公
祠專祠韋公東楹顏曰遺愛祠祠何辛諸公西楹
顏曰昭忠祠祠同治六年殉難紳民又治西有解
律公祠亦傾圯不足以崇饗祀東郭外劉公王公
生祠甘棠遺愛祠其故址無可考教諭司公向無
祠宇今一併附祀遺愛祠

節烈節孝坊在縣治東郭外爲闔邑烈女節婦立光

緒七年建

補遺

外委宅在縣治東創建不可考歷任屢加修葺內宅
東西朔南共九楹外宅大庭三楹大堂儀門大門
各一楹營總科門房各兩楹稟事廳一楹花園一
座大堂迤西建有神廟數楹

坊垣自康熙四十六年重修後風雨摧殘角樓敵臺
雉堞半就圯潰同治七年邑令張丕烈督率紳耆
集貲重葺煥然聿新復濬濠深丈餘

縣西南舊有玉璧渡造鵝舫十餘隻搭建浮橋嗣因
汾流漲發船首半沒於水行人渡涉維艱光緒二
年千總王培墉等稟明邑令崔增源督同諸紳倡
義集貲增置修葺咸資利濟

縣西南七里許舊有柳溝坡險隘不能容兩驂光緒
二年千總王培墉等倡義平治稟明邑宰崔增源

集貲督工大加修整行旅稱便事竣立碑道左

光緒三四兩年大祲死者相枕籍邑令潘如海濬坑
邑厲壇後別以男女瘞尸無算爲勒石顏曰荒塚
復捐銀百餘兩置地課租以爲撒米化錢之費飭
三行董其事以經久遠各村死亡絕戶失所憑依
者邑侯馬家鼎責成該村紳董每歲清明十月朔
日備饌裁楮以慰餒魂以消厲氣以厚風俗

日漸增廣以暴過數以皆亂以事固谷

見文書院之設權興於乾隆二十六年邑令韋之瑗
因府館義學舊址改建而規制宏厰後之擁皋比
資絃誦者爰得所焉特經費闕如宰斯邑者如賀
雨峯諸公延師獎士往往捐廉爲之光緒五年

欽差閻敬銘王炳壇因案籌捐銀二千一百兩發
商生息作爲山長脩膳士子膏火之用並飭議立
章程勒石院中而息羨無幾辦公猶形拮据五年
冬邑宰王希濂捐銀壹百兩七年邑宰馬家鼎尤
加意文教因案籌捐地三十畝銀二百六十五兩

錢二百六十二千九年邑宰馬鑑因籌捐東賑案
內撥捐銀五百二十六兩亦集腋右文之美意云

從祀姓氏

東廡

先儒張履祥

字考夫一字念芝浙
江嘉興府桐鄉縣人

漢儒許慎

尚書張伯行

禮部尚書 贈太子太保
賜諡清恪河南儀封人

西廡

宋儒袁燾

字和叔浙
江鄞縣人

先儒陸世偉
太倉州人

漢儒劉德

宋儒輔

廣

字漢卿號潛庵
浙江人

宋謝隱

蘇

宋謝隱

選

字美叔
吳郡人

宋謝隱

蘇

字美叔
吳郡人

光緒三年奉

旨蠲免下忙地丁銀二萬六千六兩八錢八分一厘

隨免耗羨銀三千三百六十八兩四錢四厘

四年奉

旨全免通年地丁銀五萬一千八百一十四兩九分

四厘隨免耗羨銀六千七百二十三兩三錢四

分二厘

五年奉

旨蠲免下忙地丁銀二萬四千三百一十五兩六分

八厘隨免耗羨銀三千一百五十四兩四錢四分九厘六毫

永遠豁免老荒地二千六百九十畝六分五厘九毫地丁銀一百五十四兩三錢三分八厘四毫隨免耗羨銀二十兩六分四厘

無主新荒地一萬九千八百九十畝六分一厘奉

旨自光緒五年起停徵四年共免地丁銀五千六百九十一兩一錢七分四厘八毫隨免耗羨銀七

百三十九兩八錢五分二厘八毫

有主荒地二萬二千四百九十五畝五厘奉

旨自光緒五年起停徵三年共免地丁銀四千九百二十九兩四錢九分八厘三毫隨免耗羨銀六百四十兩八錢三分四厘八毫

五年吳屬等二十一村被災奉

旨免徵上忙地丁銀一千八百三兩三錢六分八厘五毫隨免耗羨銀二百三十四兩四錢三分四厘八毫

五年坑東薛村西柏壁三村奉

旨豁免河灘淤泥米一十五石八斗五升四合四勺

三年十月起陸續放賑動用常平倉谷八千六

百五十一石五斗五升儘數動用闔縣社義兩

倉谷五千三百一十四石八升五合二勺又用

過奉

旨頒發賑糧八千二百三十六石一斗四升九合本

邑捐輸銀二萬四千六百六十九兩七錢四厘

四年撥給麥種銀四千兩蕎麥三十石變價銀

放散籽種動用常平倉谷二百六十石五斗七

升八合

五年放散秋種錢一千四百二十七千七百七

十二文

五年撥發耕馬十六匹除倒斃外實收八匹撥

發耕牛二百隻除倒斃外實收九十三隻所有

皮角馬牛俱平價散賣共得銀九百四十九兩

九厘放散籽種墾荒捕狼動用無存

四年十月初一日起至五年六月底止奉

旨停止應征牲畜稅正餘銀兩

光緒五年九月初一日起六年六月三十日止

詔免田房稅

戶口
光緒三年被災以前土著民人共二萬八千二百三十四戶男女大小口二十二萬四千三百八十七口光緒六年土著民人共二萬一千六百九十八戶男女大小口七萬四千七百一十六口

可畏文大小口一萬四千六百一十六口

口米餘六平土著與人共二萬一千六百六十八

十四可畏文大小口二萬四千三百八十八

米餘二平土著與人共二萬八千二百三

國朝康熙五十七年平陽總兵金奏請州縣未設駐防者於百隊中拔一人領之於是稷山始設外委把總一人守兵七名駐縣城而統轄於平陽營光緒九年分鎮平陽守府白因晉省自遭大祲之後人丁稀少裁汰兵丁三成現駐守兵五名

國朝駐防城守把總

趙履中

平陽府人行伍
同治七年任

武占鰲

平陽府人行伍
同治十二年任

武事

同治元年流匪數百人自潼關竄入縣南假官軍號
騷動一晝夜掠粟辱民城鄉戒嚴

同治六年十一月二十三日捻逆小閻王由秦竄晉

勢甚跳梁自吉州出河津之西峪口擾入縣境盤

踞楊史里南陽一帶邊馬四出蹂躪居民逃入北

山或各據堡寨被害男婦五百七十五名被裹男

丁二百一十五名燒燬廬舍一千九百八十六間

掠去騾馬牛驢八百三十一頭知縣張丕烈督率

兵在申耆建立旗幟嬰城固守幸老湘卓勝兩軍

進踰而至賊遂沿汾東窺全境始安

同治八年豫饑匪徒流入縣界數十成羣強索米錢
城鄉戒嚴旋以謀逆事發鄰封守令嚴詰逆黨始
聞風遠颺

同治元年賊匪數百人自潼關竄入縣南假官軍號
騷動一晝夜掠果房民城鄉戒嚴

同治六年十一月二十三日捻逆小關王由秦竄晉

縣界之西入縣境

踞楊史里南陽一帶邊馬四出蹂躪居民逃入北

關風聲鶴唳寒被害男婦五百七十五名被擄男

姓張張繼武以精游事擄獲桂安命擄詰逆黨故

同治八年新辦匪劫掠大界界燬十城擄掠索米穀

同治九年匪首張繼武率眾入縣南假官軍號騷動一晝夜掠果房民城鄉戒嚴

同治

張丕烈

順天府寶坻縣翰林五年任

孫國恩

順天通州舉人八年任

田依渠

河南長葛縣進士十一年任

崔增源

直隸清苑縣十三年任

光緒

王懋庚

雲南寶甯縣四年任

馬家鼎

浙江紹興府會稽縣七年任

教諭

同治

趙光國

平遙縣附貢七年任

光緒武光昌

靈石縣廩貢元年任

訓導

光緒馬佩金

陽曲縣優貢七年任

典史

同治趙含章

浙江嵊縣三年任

葉樹勲

安徽六安州八年任

王以肅

順天府宛平縣七年任

秦漢重榮河縣舉人咸豐十年任訓導品端學邃不
立崖岸甘淡泊寡嗜慾身教有方遇生徒未嘗疾
言厲色操守廉潔不以學規行其勒索門生段某
家綦貧分潤百餘金鄰封負笈者因材迪誨脩脯
之厚薄不與較其雅操爲一時冠蒞任十八年陞
大同府教授

文以藝不與婢其難對爲一却玩茲五十八年
宋基負衣既百翁金機挂負焚香因林鹿焉
言識色對中無惡不以學賦其其障索門主
立單單甘菊山寒習慈良煖育式獸主於未嘗

國朝進士

同治戊辰會試洪鈞榜

王文在翰林院編修

舉人

同治丁卯

杜煌

同治庚午

段自勇候選教諭

鄭克昌

同治癸酉

懷山縣志

卷之二 選舉

三

賈任

衛作宮

光緒乙亥

陳京昌

王登漢

光緒己卯

甯遇康

光緒壬午

馬振海

王熙源

裴文萃

解鎰

張鑄 五年歲貢

楊清選 七年歲貢

王育槐 八年歲貢

鄭克昌 九年優貢

高光奎 九年歲貢

杜燦 十二年拔貢
候選州判

劉玉書 十三年恩貢
候選州判

丁全和 十三年歲貢

光緒

崔濬

元年歲貢

辛冲霄

二年恩貢

王兆魁

二年歲貢

王淳

二年優貢

李樹棠

二年恩賜副貢

景星耀

四年歲貢

王兆泰

五年恩貢

王國楨

六年歲貢

杜炳

甯調元 八年歲貢

王澂 十年拔貢

馬吉來 十年歲貢

職吏

王炳壇

前道銜兵部主事署直隸景州知州

王文在

翰林院編修前雲南大主考湖北學政

姚紀

戶部福建司郎中

杜煌

和州州同在任候選知州

衛樹椅

候選州同前
岳陽縣訓導

鄭克昌

內閣中書癸酉科
順天鄉試彌封官

賈任

內閣中書

賈步沼

現任天鎮
縣訓導

王文化

前右玉
縣教諭

衛如淇

同知銜前保
定府經歷

衛恩奎

浙江候補知縣
前處州府經歷

甯登雲

前任甯武
府訓導

前任趙城

程恩榜
山陰訓導

馬振海
前署榆社縣
馬邑鄉訓導

王蘭階
麻哈州
吏目

焦挺然
靈壽縣
典史

王金鑑
商南縣
典史

李鶚雲
大竹縣
典史

劉太和
彭山縣
典史

劉廷麟
平羅縣
縣丞

杜登臺
延川縣
典史

孫國璽

典史

例職

甯高峰

賈棟

以上運同銜

杜煥

郎中

王文秀

趙筆華

高景參

姚鳳芝

任天授

以上同知銜

杜煥

五品銜禮部鑄印廳

李文魁

李武魁

段振綱

以上五品銜

鄭克明

王戡

以上光祿寺

段希聖

王培埏

鄭維精

李育賢

張映庚

王貴林

董咸亭

賈鍾美

史佐柱

高景堂

任肯來

以上布政司理問

賈立本

李清泰

以上布政司經歷

馮天祥

薛浩

趙汝礪

馮景椿

甯福堂

任秉鉞

甯麟祥

蘇青莒

高維嶽

丁永耀

以上州同

王如履

六品銜

王聚德

布政司都事

王崇直

六品銜

鄭浩瀛

張兆吉

以上布政司照磨

杜若楓

州判

鄭克順

八旗教習

杜若櫟

按察司知事

衛邦茂

張和邦

賀峰宗

以上按察司照磨

甯清選

馬希波

原心釗

鄭永楨 以上府經歷

段希智 教諭

張耀辰 訓導

王富林

王在快

黃光彩

王懋德

張聯奎

史懷珠

杜作桓

黃茂林

原春芳

楊時敏

張懷仁

蕭如桂

甯麟閣

以上縣丞

王仰康

八品銜

甯加忠

八品銜

國朝武舉

同治丁卯

趙興仁

同治癸酉

焦中魁

武例職

甯玉印

甯高陞

杜若桂

杜若梅

王培壩

原登鳳

李凌雲

楊文彥

張福堂

馬斌來

薛文炳

以上守禦所千總

段振紀

武德佐騎尉

李景運

衛千總

文俊哲

焦鍾毓

高錫齡

劉玉光

閻茂魁

由武生

賈奎耀

程奉箎

龔慶泰

以上營千總

高翊

文對

胡

黑

默

泉

林

王毅炳壇祖

贈奉政大夫

晉贈中憲大夫

道銜兵部主事

王向乾炳壇父

誥贈奉政大夫

晉贈中憲大

夫道銜兵部主事

王炳南炳壇兄

誥封奉直大夫兵部主事

王天祥文在父

誥贈奉直大夫翰林院編修

王文化文在兄

贈封奉直大夫翰林院編修

姚琳紀曾祖

贈中議大夫戶部福建司郎中

姚希聖紀祖

贈中議大夫戶部福建司郎中

姚鴻漸紀父

誥封中議大夫戶部福建司郎中

鄭朝桓克昌伯祖

贈奉政大夫內閣中書

鄭朝柱克昌祖

贈奉政大夫內閣中書

鄭惟精克昌伯父

贈奉政大夫內閣中書

鄭浩瀛克昌父

誥封奉政大夫內閣中書

鄭鉞克昌叔父

贈奉政大夫內閣中書

鄭克明克昌兄

封奉政大夫內閣中書

杜映湖浚祖

贈奉政大夫郎中

杜若煙煖父

誥贈奉政大夫郎中

杜若楓煖生父

誥封奉政大夫郎中

杜若杉煖伯父

贈奉政大夫郎中

杜映海煌祖

贈奉政大夫和州州同候選知

州

杜若楠煌父

誥封奉政大夫和州州同候選知

州

趙士瑞筆華父

誥贈奉政大夫同知

賈朝梧任祖

贈奉直大夫內閣中書

賈步閣任父 誥贈奉直大夫內閣中書

賈步雲任生父 誥贈奉直大夫內閣中書

賈仕任兄 馳封奉直大夫內閣中書

任運啟天授祖 馳贈奉政大夫同知

任履端天授父 誥贈奉政大夫同知

姚綱鳳芝父 誥贈奉政大夫同知

史森佐柱父 誥贈奉直大夫布政司理問

衛景旦如淇父 誥贈奉政大夫保定府經歷同

衛如璋父洪兄 貤封修職郎保定府經歷

王若桐培埤祖

貤贈儒林郎

晉贈武德佐騎

尉

王灼培埤父

勅封儒林郎

誥封武德佐騎尉

楊連雲龍祖

貤贈武德騎尉

楊逢年雲龍父

誥封武德騎尉

楊逢椿雲龍叔父

貤封武德騎尉

楊逢科從龍伯父

貤封武德騎尉

楊逢甲從龍父

誥封武德騎尉

張九五福堂祖

贈武德佐騎尉守禦所千總

張銘福堂父

誥贈武德佐騎尉守禦所千總

馬錦章大椿父

勅贈徵仕郎中書科中書

馬大椿希波兄

勅贈徵仕郎中書科中書

閻永俊廷獻父

勅贈徵仕郎候選教諭

閻煥章廷獻生父

勅贈徵仕郎候選教諭

史天忠銘父

贈修職郎平涼府經歷

衛吉遷樹椅父

贈封修職佐郎岳陽縣訓導

賈朝鏈步沼父

贈修職佐郎天鎮縣訓導

賈六月步沼兄

馳贈修職佐郎天鎮縣訓導

王仰文在快父

馳贈修職郎候選縣丞

張九玉順堂祖 贈武德侯尉守禦所千總

張路福堂父 贈武德侯尉守禦所千總

馬錦章大椿父 勅贈徵仕郎中書科中書

馬大椿高波父 勅贈徵仕郎中書科中書

閻永俊廷獻父 勅贈徵仕郎候選教諭

閻煥章冠獻生父 勅贈徵仕郎候選教諭

史天忠銘父 贈贈修職郎平涼府經歷

王仲文玉升父 贈贈修職郎平涼府經歷

王仲文玉升父 贈贈修職郎平涼府經歷

補博士弟子益自振勵負笈從師數百里外晝夜
攻苦讀書至哈血不休手鈔錄盈尺許鄉捷後兩
薦會薦詭得而復失之遂絕意進取一以培植後
進爲事主講河津龍門書院多士欽其品學執經
問字趾屬於門年逾七旬猶日事丹鉛成就人材
甚衆舉人王文化編修王文在昆仲皆嘗從受業
者也待弟狎備極友愛鄉里稱之狎歲貢生亦能
文生平研精左氏傳自號癖亭著有列侯世族譜

系粗備稿待梓

鄧恪道光甲午舉人植品端方家貧不苟取舉茂才

後餬口硯田以資養瞻嘗授徒他鄉夜間獨坐書

齋主婦私奔公正色拒之明日設辭歸脩金一無

所取然去之之意卒不令人知也所曲全尤大尋

領鄉荐持躬益莊敬卽燕居未嘗不著禮衣有古

儒者之風

舉人曹立楷字敬堂品端學邃同治六年捻逆犯境

倡修保安堡以資捍衛有鄰婦棄女於田公憐之

聲譽序遠近負笈者歲不下數十人公督課嚴峻
偶染嗜好輒斥逐不稍貸以故採芹食餽登賢書
者百餘人持躬尤謹非公不入公門嘗懲蠹役之
擾謀衆勒石以彌其害鄉里重之著有家訓輯要
公沒避公者樹石閭左以彰德教

杜若椿字壽莊號蘆溪幼聰穎窮經讀史無事苦吟
輒能洞悉爲人和平大雅中式道光己酉科經元
議敘州同因軍需勸捐出力保奏題補潞安府襄

垣縣訓導襄邑士習多樸畧公抵任後澤以雅正
涵潤積久文風丕變以故門下士獲選拔登賢書
者踵相接也晚年解組歸田以吟咏適志雅慕陶
靖節之爲人著有樂陶吟詩集行於世其卒也襄
邑士子追慕弗諼不遠數百里聯名製錦登堂執
紼其德之感人有如此
廩貢生王容字裕齋幼聰穎氣象沈默不苟言笑家
貧力學雖勞弗輟夜必誦晝所習文筆新穎授徒
百數人得其指授大半成名既老且窘從不丐人

一 鍾門下士歲時饌餽亦設詞謝之其雅操如此終身疏食布衣處之怡然鄉里有雀鼠爭排難解紛惟力是視故雖婦人孺子無不知塢堆王四先生者嗚呼可謂善人也矣

歲貢生王鎮鎬字周堂德性堅定不爲物搖或有驟爲嘗試擲甌墮地使之聞之卒晏然不顧頗有孟敏之風與肩挑貿易不較錙銖授徒數十年多賴成就今其人雖往而端嚴謹厚之儀人猶膾炙不置云

生員段淵熙少孤事母篤孝事兄極恭稍暇卽涉獵
經史探幽索隱誓窮奧窔尤精於周易讐討三十
餘年神游四聖理會諸儒苦心集解手抄成帙現
原稿藏於家以待剞劂云

補遺

張其哲字明甫號霖川康熙庚子舉人爲母孀居隱
身不仕授徒鄉閭多賴成就讀書研窮理道悟徹
高深著有中庸便幼行於世節梳句櫬字字詮解
更能獨出手眼不拾人唾餘備詳梗幼緣起文法

經論諸作丙子圖杉乾隆丙子舉人博通淹貫克

稱象賢

生員段淵熙少孤事母爲孝事兄極恭稍暇即涉獵
經史探幽索隱潛窮奧義尤精於周易警討三十
餘年神游四聖理會諸儒苦心集解手抄成帙現

補遺

張其哲字明甫號霖川康熙庚子舉人爲母孀居隱
身不仕授徒鄉閭多賴成就讀書研窮理道極微
無衆賢有中庸便効行於世節梳句梳字字詮解

絲情精於內子圖林漢劉丙子舉人軒轅鐵貫京

附貢生王天祥字瑞宇號虛齋世爲塢堆人以子貴
勅封承德郎

晉贈奉直大夫翰林院編修加三級生有至性事親以
孝聞妻贈宜人衛氏鴻案相莊滌滄必潔能得堂
上歡心父心普以賈起家每恨失學當易簣猶手
書讀書字以示公時甫弱冠仰承先志深自刻勵
朝耕夜讀讀聲與宜人紡織聲常相續也卒成名
諸生猶以未得甲科爲恨故督諸子尤嚴躬自教
之入庠後卽令從名師長遊親見文化文在先後

登甲乙科人覩公之繼志述事可以興矣生平尤多隱德雖家人不及知言行無違遠近稱頌塢村戶餘千社事煩重推公爲長排難解紛悉無偏倚嘗有盜樹者公面斥其惡曰汝不悛將送官究治其人叩頭謝後改行告人曰公實活我也又有遠族子傭於家疽發於背幾斃家有藏膏衛宜人親爲洗滌敷之閱旬乃瘳後此子負心衆怒之宜人曰彼自無良於我何與嗚呼觀此兩端則公與宜人之行事可知矣同治丁卯冬捻逆賴文光等渡

江東竄鄉人驚擾公糾丁壯集團防禦鄰村效之
一方獲安時有勸公避者慨然曰吾父子讀書求
爲國用不能殺賊豈有避賊者公之勇於大義
如此初公有母姨王貧且病矜氏馬老而無子宜
人饋問無虛日一如公在時慈祥愷悌出於至誠
論者謂必有後子三人長文化咸豐戊午舉於鄉
右玉縣教諭次文在咸豐辛酉選拔考授小京官
同治甲子登賢書戊辰成進士賜第三人及第
授編修癸酉科主考雲南旋督湖北學政三子秀

以軍功議敘加五品銜孫六人淳己卯優貢

理問銜王培埜事親孝親疾衣不解帶者月餘親沒
哀毀逾恒營葬後時踟躕墓左倚樹嗚咽者久之
性質直不染習俗邪僻者望而生畏遇匱乏量爲
賙卹學計然術齟齬者利其財思中傷之媒孽同
事敗乃事公泄金償如願而不與較研桑友有以
八百金來宿者比旦金失所在同事咸失措公不
爲動出囊中鏹如數償之徐爲踪跡嗣竊者父乃
忍欺實首其事檢其數虧百餘金公聽其緩償竟

監生衛慶元字年三性爽直口吃不能盡言事親以

孝聞奉嫡母尤謹嘗命以積穀既盈請所用母曰
視我意所欲者會丙午旱五穀翔貴即減價平糶
既乃盡所有以賑貧者母顧而樂之嘗曰兒善事
我嗣設義學以振貧乏躬自教誨成就多方遇義
所當爭雖期期不能出輒形於色人猶至今道之
孫作宮登癸酉賢書作宅已遊庠論謂孝親之報
云

恩貢生辛冲霄弱冠失恃痛父鰥書則敬奉旨甘夜
則同榻侍寢數十年如一日里居創立文社定期
開課士自他鄉來者輒數十人公一一甲乙不憚
煩勞兼辭脩餽賴以成名者甚衆邑人至今猶樂
道之

生員賈如岡伯母久抱沈疴湯藥飲饌中裙廁踰諸
瑣務一一躬親居住馬壁峪口爲稷甯通衢每山
水漲發沙石壅塞親自修理行旅稱便

主員馬三樂性孝友紹鄰就塾輒攻苦不與羣兒戲

水承歡無稍懈家居投徒不計脩脯晚年屢空雖
甌塵釜魚晏如也從不向人啟齒世以爲有古人
風

監生楊幹五歲喪父哀泣如成人稍長母與兄不相
能徙居別院公攜妻子以從朝夕侍養未嘗少離
母壽七十餘歲而終喪葬事已獨任之

賈憲江性孝友父沒昆季不相能議析爨公不問貲
產但求養母母亦習其孝願就養焉盤匱奉養必

利一集卷之十一
極精潔母沒殯葬所需皆由已出並不責及諸姪
輩人咸推服

從九品王思禹孝友肫謹居父喪年已近七旬矣泣
至血出四坐皆驚事繼母如生母母病獨步捧藥
百里之外病亦頓愈適值析炊離牒已具復燬之
割已業溉之叔另立析章所依若叔固有者田某
婦被夫出已就道矣公知之邀於家勸其夫夫感
動琴瑟如初其他息訟繼絕焚券賑饑置義塾脩
家乘重義敦本之心始終不倦

孝弟可法者以訓子姪壽九十有六無疾而逝子
化明稟公訓事公甚謹菽水承歡飲食必請所欲
居行必親扶掖每飯手操匕箸親奉啖啜知父非
人不暖時以己背溫父背以膚溫父手足稱孝者
歸焉

生員史秉南溫厚孝友借硯田以供子職母早逝事
父惟謹同治六年捻匪竄擾家人避賊山中父八
旬有三卧病在牀公亦六十五矣親侍左右未敢

利上果示
卷之二
三
少離若不知賊之將至也者賊亦未至其家父子
晏然咸以爲孝行所感

生員焦青巒事母孝母沒悲痛三年不入私室

楊在漳性孝友生母早逝兩事繼慈順顏承旨胥得
歡心待異母弟有吹埤風族黨稱孝弟焉

李滿倉中年失偶無力再婚子方數齡母老且病呻
吟牀席滿倉克盡孝養供饗殮滌垢穢爲母裹足
溫被如是者二十餘年母臨終泣曰吾兒之苦更

僕難數仿古孝子不是過也人亦無間言

氏父魁與妻羅氏事從母孝家貧以力度日間有微過從母以杖責之夫妻甘受無怨言時論難之

歲貢生丁全和字柳塘家貧篤孝父中年雙目失明遇一異人能以金針撥之費酬貲二十金和亟爲規措僅足一日之數醫者爲撥右目甫畢和奉甘腴將愛敬雙淚齊垂若代父受痛然異人曰余閱人多矣未見有如若者請再撥左目以助子孝償之金不受而去後父年九旬有六凡飲食起居除垢滌穢諸瑣務一一躬親行則扶掖寢則侍從衣

不解帶者十餘年人咸稱爲丁孝子

生員程炳耀事母孝年五十餘知母衰老需人遂侍
寢母側奉溺器親瑣務子姪雖衆不使代也人咸
稱其孝云

介賓辛惟一事繼母曲盡孝道每遇母怒必長跪泣
諫俟霽威而後起時論難之

文富榮事母孝母患瘕疾飲食起居沐浴便溺不能
自遂榮躬親侍奉偶得鮮物必先奉母家貧寄傭
於人頻歸視母承歡須臾而去三十餘年無少懈

八人稱孝

恩貢生劉玉書善事繼母投溫承愉一如所生母雖疾言厲色無不笑而受之母感其孝亦遇之甚厚性和平與人無睚眦丁丑大祲恒苦勸富室濟貧乏後餬口硯田客沒於豫聞者傷之

生員戴輝嗜學篤孝因母病謝舉子業竭力侍養奉飲食滌垢穢事事躬親數年無間母沒泣血不見齒子貢生瑞芝承公志克稱象賢事生事死俱如禮族人有貧不能婚葬輒出貲助之迄今子若孫

舉介賓列成均採芹食餼戚鄰稱羨

丐孝子遺其姓氏年二十許織蓆爲業客於秦光緒

二年晉饑父之陝依以爲活孝子奉養無缺父尋

病同居者不相容因挈父東歸夜宿土窰煨火禦

寒睡熟父不戒火衣履半就灰燼孝子抵死撲救

從火中曳父以出父得免孝子亦負重傷百計經

營稍得錢卽製衣衣父腊月抵吉州境父病已不

支孝子扶掖負持寸步不離晝則乞食以養夜則

依戀左右三年春父僵卧不起孝子哀呼將伯乞

借錫以瘞父骨土人爲瘞於城北之義塚側主
事者不及待孝子以手穴土十指俱爲破裂事畢
攀號墓側擗踊三晝夜淚繼以血終不去聲嘶舌
邑某哀其孝扶入市中廼羸不絕者已如綫矣與
之食不食呻吟號慟日惟求死悲迷恍惚中猶詢
父所在人咸以孝子呼之尋亦斃於市吉邑廩生
白汝驥情殷目覩不忍湮沒郵寄所傳紀實一紙
畧加刪潤以誌不朽云

武各姓事母甚孝母年逾七旬妻死不娶勤力奉養

事事躬親兼撫六歲兒嘗偕張滿兒張榜娃受僱
浚井於田身在井中二張據井上適有某村祁丁
耒耨其父因事投井來求救甚急二張弗之恤祁
怏怏而去未移晷刻井闌卸塌二張隨土下陷被
壓身殞各娃緣繩而上得以不死咸謂孝之所報
彼不救人者竟不自救其有天道乎

庠生薛廉隅字子方品端學粹老而彌篤事親孝親
沒終制每出反於主前行告面禮如生時友于情
摯邑進士甯公旌其門曰兄弟既翕精於周易卜

衆之術占驗休咎無不應驗嘗閱朱子綱目手抄
成帙間有著作值丁卯捻逆之亂半遭回祿公沒
德公者樹石以寄其慕

王德成家貧少失怙事孀母委曲奉順飲食服用求
適母意雖家計無餘不令母知以暢母志事兄如
母出告反面惟命是從里人皆稱爲孝子悌弟無
間言

恩榮九品薛月庚幼失怙每見人父子團聚輒歔歔
流涕事母孝母間違和輒食不下咽嘗往於田遇

鼠竊者雖已物恒引避以全其廉恥村南爲稷河
往來孔道時加修葺率偕僕夜作不令人知孫道
生有聲黌序人以爲潛德之光

附貢生樊臨澤字麗卿性質直事親以孝聞親疾嘗
默禱願以身代疾亦尋愈授徒數十年成就甚夥
尤敬惜字紙撿拾焚化付諸清流鄉里有不睦事
處之曲當咸服其公明歲歛輸粟十餘石以活人
無吝色丁卯捻逆之亂捐貲修寨督衆守之鄉人

義焉

監生王向乾字用九仁厚有德行家素寒務農服賈竭力養親性尤嗜學督課諸子雖千里亦欣然遣去以故長子炳南英年入泮次子炳壇成進士咸謂積善之報云

管狗呆家貧業陶事母孝能化導其妻亦以孝聞光緒三四兩年災祲無仰事資旬食以供母餐其族管城先生篤實人也嘗贊云容貌癡呆一似愚人事母肫誠不愧孝子

從九品張企廷事親孝父母年逾八旬已亦近六旬

承歡膝下往往謳歌嬉戲作嬰兒依戀狀以悅親
事兄如父食必同坐事必稟命兄有疾親侍湯藥
及父兄沒凡客外所得財物歸必置父兄木主前
嗚咽以告如生時人咸稱爲孝子悌弟云

監生楊珮璣性戇直好施予凡有修葺捐貲爲倡道
光丙午歲歛散粟十五石鄉人勒碑誌之長子拱
辰優行生員授徒不計脩脯次子捧辰議敘九品
同治六年捻匪犯境傾囊修寨保衛鄉閭孫鵬飛

清越人術全活甚夥次孫生員永耀罵賊被害九

全統紀事

旌血奉

上諭飭部議准給

雲騎尉世職照馬兵例給卹銀七十兩照例設位

忠義祠致祭現曾元繁衍咸謂積善之報云

優行生員焦模謙恭溫厚篤友于嘗傾囊中鏹以給
昆仲御臧獲甚厚設教不計脩脯門下士有貧不
自贍者時給膏火之資成全甚夥

姚紀字薇閣戶部福建司郎中懲同治六年捻逆猖
獗出貲千緡糾眾修理高歡寨堅門浚井一切守
禦之具無不完備鄉人恃爲保障樹碑以誌不朽

遇歲歉時疫設粥廠施藥餌中年不祿聞者惜之
奉直大夫劉以旂樂施予嘗捐百金以修險隘行者
便之族黨有不睦事輒爲排解以故村中數十年
無雀鼠爭鄉人至今思之

衛昌字樸齋業賈京師通曉時事性剛正爲里閭所
重祭酒吳南池先生亟稱之咸豐癸丑粵匪由濟
源陷垣曲銳不可當我邑相距百數十里人情危
懼君首倡大義集團練勇固守險要村堡安全四
方來問條具者踵相接則而效之皆著成績而伯

道無兒照門

賀文元業農桑賦性忠厚昆季四人次居長爲伯父
嗣以勤儉致小康諸季不善謀生家日替元心焉
戚之慨與合爨終身無德色乙亥夏初里人乏於
食元有麥禾二十餘畝儘數刈取無少長分給之
如償負逋者丁丑大祲鄰里猶追憶曰某公若在
吾鄉人之餒斃當不若此之甚也其德之感人有
如此

生員衛士瑗風姿清雅早失怙勵學攻苦克成父志

訓弟士瑜馳聲翼序嘗倡設義塾出粟賑飢

解適孝友端方父晚年步履維艱公左右侍養衣不

解帶者數年輕財好義矜老憐貧年八十六而逝

歲貢張鑄內行純粹植品端方嘗寡言笑見者始疑

爲傲久乃愈敬愛之及門數十年無不服其德量

生員王兆麟弱冠失怙輒能攻苦成名事母孝母沒

每食必荐忌日必哀訓弟兆泰家雖拮据不使輟

讀弟以故食廩餼里人重之

監生王濬輕財重義事繼母以孝聞設教家塾不計

束脩孫崇德客秦宜川捐貲衛城議敘七品銜

生員王曰哲字知幾沈靜寡欲言笑不苟父母早逝
事祖母孝事兄如嚴父性嗜學至老愈篤授徒四
十餘年未嘗少倦賴以成名者甚夥鄉里稱爲品
學兼優

生員趙光照勤儉和平書法潔淨事親以孝聞親有
疾嘗侍湯藥衣不解帶授徒督課綦嚴遊其門者
類精書飽讀子震東孫汝楫相繼入泮人以爲積
德之報云

和卹匱賙窮鄉人義之
州同王廷瑞賦性鯁直嫉惡最嚴事父母孝處兄弟

優廩生馬士駿事母菽水承歡待弟尤友愛設教鄉
塾不計脩脯及門多成名者

監生聶樹勲繼祖母身患癱瘓勲飲食必自奉湯藥
必親嘗晨昏定省久而不渝

李握祿性極孝母患癱症親侍湯藥左右扶持十餘
年無少懈

蘇靜菴嗜學篤孝遭家不造弟議異舉公援引古人

勸諭再四卒不獲已但求養親親亦習其孝不就
諸兒養授徒多年不計脩脯鄰里重之

解凝禕性孝友母薛氏多病恒念念祈親壽父患腿
疾竭力奉養久而不衰兄凝祿早逝善事孀嫂所
遺二女一如已出于歸教奩倍加厚焉著有戒酒
文

議叙九品焦炎壩事兄如父撫姪如子設義塾惜字
紙恤孤憐貧不惜貲財子名瀚英年入泮人咸謂
報施不爽云

奎文閣典籍劉彥鴻性樸誠事親孝咸豐癸丑捻逆
逼擾鄰疆鄉人惶恐避賊鴻念母柩在堂死守不
去外祖母年老無嗣罄於財無以自給鴻善體母
心凡養生送死之具一一經紀無遺憾

張榮事母孝甘旨時痛不豐遂客八口少得貲輒歸
奉母如是者數十年母年老不忍遠離承歡膝下
事皆躬親無假婦人手母沒哀痛泣血每食必薦
族黨稱孝

主員蘭臨澤孝友端方設教授徒多所成就遇紛難

少其解之潘令高其誼歲歉密諭勸賑公慫勇富
室捐賑八十餘石比沒邑令悼之

生員張溶幼失怙恃輒能自立稍長慷慨好施遇紛
難悉排解之郵匱周急歷久弗渝人皆服其義

生員張長安事親孝訓弟久安領鄉薦晚年設教東
雍循循善誘弟子多成就焉

生員焦之蘭性廉潔不徇財貨同爨數十口從無爭
競投徒多年脩脯所得一錢不入私囊

焦全定嗜經史誦讀不倦晚年有勸讀詩至樂在讀

和山集卷之六
書書中有真味爲勸兒與孫汝曹當自勵又樂施
予遇荒歛出粟以食餓者子功楚早歲遊庠孫玉
瑞中年食飢僉謂積德之報云

李益三忠厚長者居鄉善排解爾汝不相能恒婉爲
和睦無使構訟以故里中數十年無訟牒卒鄉人
樹碑以誌其墓

陳文蔚性孝友親沒家人欲折炊公難之避居曲沃
比返家已離痛哭者久之然友于之情一如同爨
時教讀數十年貧者不校束脩人咸義之

蘇岳仇爽樂施嘗出囊金三十兩充公生息以爲里
舍平途守夜之資鄉人爲製楹聯以表其義

補遺一條

季林蔚事母孝出告反面無缺禮戚友有急輒瀉資
助粟歲歛有以升斗干者週卹之無少吝嘉慶十
年大饑河津某業碗爲生策蹇行運失足墜地無
一完者某垂首喪氣泣道左曰家有老母依此爲
活今生計已盡吾又饑不能行弱命休矣如老母
何公知之邀於家飯其人計碗給直使歸爲復販

資又炊粟一斗以濟眉急鐵匠某歲饑輸粟於家
值暮遇雨恐爲劫者所掠席地而泣里人馮某使
見公宿而食之比旦負去有與公柄鑿者病甚劇
游醫踵其門以貧窶不能給藥貲將不爲醫適公
至曰但瘳之吾當償汝人問之曰吾自拯病者耳
其他善行甚夥子煒官弟子員其行誼已登前志
洵餘慶之徵云

鄉飲耆賓胡克己道光丙午歲歉放粟一十三石賑

恤貧乏鄉人至今稱善

州同張銘道光丙午出粟三十二石子千總福堂同
治元年出粟二十石光緒三年出粟十二石以賑
貧乏

監生薛可讓性質直篤孝友光緒丁丑大祲出粟二
十餘石賑饑者

縣丞黃茂林同治八年懲丁卯捻逆之亂督修堡寨
光緒三年大祲賑粟十石里人德之

李文魁暨弟武魁輕財重義輸餉助賑惟力是視嘗
捐祭田十五畝以敬宗睦族族人匾之以爲有希

利山集卷之六
文風道光丙午出粟百石賑濟貧乏鄉里爲立好
善樂施碑光緒三年其子姪又出粟五十餘石以
食鄉人可謂能世其美云

李育賢字培德事繼母孝道光丙午出粟百石以食
餓者鄉里爲建好善樂施碑光緒四年子光耀等
又出粟十餘石有乃父風

段振紀疏財重義道光丙午出粟一十五石以賑貧
乏繼妻候氏善承夫志嘗市義焚券鄉人嘖嘖稱

善

監生文亨樂疏財樂施本村舊有三官廟年久摧崩
神像剝落日擊心傷慨出囊鏹五百餘金獨力重
修道光丙午歲饑出粟百石以濟鄉人人咸義之
張曰禮孝友仁厚昆仲早逝撫育諸姪一如已子處
鄉里解紛排難遇逆事必先自反道光丙午歲饑
出粟十石以活鄉人

武舉閻林茂素勇幹同治六年捻匪犯境公糾合義
民結社練團互資捍禦遇賊奸細十數名悉數殲
斃俄而逆黨蝟集公率衆迎擊衆寡不敵爲賊所

害一時徇難者三百餘人同治九年經給諫尋奏

請旌卹奉旨准給雲騎尉世職卹銀三百兩

自行捐資建祠照例設位忠義祠致祭

龔保山同治六年髮賊入境相遇不屈辱罵被害

程維世性剛直同治六年捻逆入村脅使飼馬不從

被賊砍傷頭顱血腦塗地而死

馬維道同治六年髮匪犯境母甯氏罵賊不屈投井

自盡道憤不顧身與賊格鬪亦被傷斃命人咸謂

母義子孝

時糾合十餘人執刃格賊多名奈寡不敵衆三人俱被傷立斃聞者痛之

薛際銑性剛強同治六年捻匪過境率領數十餘人遇賊衆皆潰獨力格鬪被傷殞焉

生員韓撫謙字益齋事親至孝同治六年禦賊捐軀奉旨給予雲騎尉世職照例附入忠義祠

裴忠義同治六年捻匪犯境持挺格賊身被數鎗投井而死

裴茂杞同治六年擒匪犯境迫脅不從撲河身死

常黃兒同治丁卯髮賊入境邊馬四出蹂躪黃兒糾

合村人持械趕追與賊格鬪衆潰被害聞者悲之

王九要同治六年髮賊入境偕村數十人持械追賊

目微眇不便審視爲賊所傷

鄧從順性耿介同治六年逆匪入境罵賊被殺見者

憐之

鄧復元性樸誠治家勤儉同治六年堅守堡寨盡心

竭力爲賊所陷罵不絕口遂遇害鄉人惜之

衛汝幼書武同治六年擒匪過境被執不屈罵賊遇害聞者悲之

太學生薛漢英純厚端方父與諸父客豫相繼物故公輿櫬旋里均得營葬事母與孀無缺禮同治六年擒匪入境遇擄不屈賊斷其左耳而沒

衛光輝年七十有二值丁卯髮匪之變逆黨竄擾村舍輝手執利刃蹲身門內賊入突出殺之格斃悍匪十餘名既而死黨跳屋踰牆腹背受敵遂與其子同時殉難聞者傷之

高登眼同治六年捻匪竄擾人多逃逸登眼守死弗

去賊至脅之口不絕罵遂遇害焉聞者爲之流涕

薛歪兒性戇直丁卯捻逆犯境負母避賊遇諸途賊

欲脅之去歪兒戀母不離賊以刃嚇之歪兒持械

格賊落馬逆黨大恚攢擊之須臾而斃聞者悲傷

監生楊佳橋事繼母孝值家中落丁丑大祲覓食以

供母母知之泣曰累吾兒顧至此遂不食而死橋

號泣不復求活與妻子數口痛餓而殉稱孝者咸

惟重焉

董忠禮賦性剛直視死如歸光緒丁丑大祲饗殮不
給或勸折屋以飽三餐禮曰此先人所留遺而惡
依之者也毀之奚以妥先靈苟延而生不如安命
而死爰沐浴整衣冠哭於先人之堂哀痛失聲入
室投繯時年六十有八殆所謂從容就義者歟
聶朝貴寒士也家貧甘淡泊雖日不舉火晏如也丁
丑大祲谷值騰踊不法者輒思蠢動貴曰祲荒數
也生死命也吾無計謀生死所當死彼鼠竊狗盜
胡爲者遂閉戶甘餓而斃里人咸稱其義

喬必成賦性耿介丁丑大祲閉戶不出家人勸之負
販曰吾嗇於財奚以謀生家人強之食曰蓄積無
幾一人食之尙可延生數人食之同歸於斃願留
此以活吾子遂服毒而死

史有林務農爲業丁丑大祲餬口無資有媒以盜竊
者力拒之曰甘爲泉下鬼不作梁上人遂投繯而
死

喬方志性徑直克勤克儉丁丑歲祲戒其子曰如此
奇荒無求人人不能活我無爲盜盜足以敗名守

分安命死吾事也遂僵仆待斃門無噍類

蘇性善性孝友淡泊寡營丁丑大祲家無蓋藏恐母
暨兄與子未能全活遂服毒而死人咸悲之

柴忠行農家子以拳勇著稱而忠厚優容未嘗與人
爭聞值大祲竟曰不舉火僵卧待斃一家九口俱
沒於荒

師學恭世業農蠶厚質直事母孝光緒丁丑大祲發
者多爲不軌甚至骨肉相殘學恭獨僵仆待斃偶
有食亦不食家人強之拒曰如此奇荒終不能活

我得早死足矣多延數日胡爲者終不食而死

晉九章與妻王氏生平以禮自閑丁丑大祲知不免
一日穿墻成謂素好曰某日當殯余夫婦及期視
之果同榻共斃噫夫婦同死節義成雙殆其然乎
里人悲之遂瘞焉

高凌雲字竹塢業儒事親以孝稱親病衣不解帶湯藥親嘗病漸焚香籲天願以身代性仁厚善排解里人賴之遂於醫活人無算以儀酬者輒謝之人推其義

鄉飲耆賓史鳳集性長厚工鍼法不受謝義問所播遂至鄉人暨邑侯黃公以齒德兼優太平更老區其門弟鳳阿行公之行人稱二難孫炳耀早歲遊庠亦積善之報云

段春風字子和爲人謹厚早歲貿易河南得秘術醫

人醫畜全活無算或謝以儀弗受遠近以活人術
匾其門孫有耀能世其業

姚兆魯性孝友好施予精越人術療病無分貧富病
愈不較鎰銖輕財重義始終如一壽九十八歲疊

沐恩榮咸稱人瑞

從九品梁芝發事越人術同治丁卯瘟疫流行公自
治藥餌歷各莊散給之病痊酬以資不受雖乞丐
求醫畧無區別子履泰能世其業

六品銜馬維漢質直忠厚事岐黃業全活者衆酬以

儀拒不受同治丁卯擒賊犯境公晝夜邏守城垣
無稍懈子佩珂紹其業克稱象賢

庠生張洪烈精於痘疹自著養花天行世得其書者
試之無不奇妙有慈幼之惠

稷王陵在城南五十里稷王山巔戊寅歲大旱邑侯
潘公步禱於斯耆老以山所出五谷石呈視晶瑩
恰肖奇而藏之己卯冬權篆臨汾禮書王某妻臨
盆七日不下危在頃刻叩求催生藥因取厥初生
民之意給石一顆使歸令吞少頃來叩謝言吞後
生男左掌握石而下又長隨林某妻臨盆服之生
女石握於右掌中兩試悉驗其或山靈所感歟
同治二年地震有聲如雷

同治六年捻逆犯境七年大有年十二年三月十八

日西風大作酷冷傷稼光緒二年饑秋草木重華
三年秋大祲赤地千里蠢動者嘯聚掠粟樹皮草
根乾泥雁糞俱搜括充飢冬盜發塚祖孫父子母
女夫婦兄弟相食道殣相望閭左枯骨成邱廬舍
拆毀無數縣北附山村落有儘數饑斃或十之七
八地每畝有值錢數十文者才粟價銀四金四年
春亢旱大風霾四月十五始得雨民乃播種自夏
徂秋瘟疫流行死者復相枕籍野蚘害稼狼鼠爲
災五年尤甚鼠傷人食貓自相殘殺破壞衣物器

具田禾無算羣狼啖人難更僕數或劫之馬上車中甚至登太學列鬻門者並罹凶殘大吏飭屬懸賞捕獲狼鼠甚衆七年其患始息

邑西北二十五里許南位村光緒元年仲冬朔夜初鼓後崔八兒場中草積火起須臾灰燼自此村中積草晝夜不時火初起焰色微藍方欲撲滅而紅光已四發矣村人備水邏巡日夜不休甚至積草一處而火燃十餘次視其中竟有火具若引之者雖建廟祈神未邀阿護前後百餘日火公三百餘次

焚草房二十餘間草積一百餘數聞者無不詫異

光緒五年五月地震秋旱饑

李老庄宋黑娃農家子也往于田狼出於前途刃之
不及又一狼自後至仰擒倒地將肆噬忽野犬向
後奔逐狼舍黑而逐犬黑得翻身登樹狼守其下
黑失足墜地狼又欲噬犬逐如前黑復登樹兩狼
虎視不去而犬亦遠守其下後值救扶歸犬隨之
不去至今黑食犬與已同所以報也犬亦義哉

喬仕迎年十六挑菜田間大風驟至同伴俱伏地風

息竟迎無跡獨有挑菜具咸驚異之後數年其母
卒未及旬村外旅舍有行人談迎家事甚悉館人
疑之將質其家而客已不見矣鄉人頗竒其事

鼓之撤資其家而客曰不泉矣人取資其事
卒未及而林校滅舍許人趨取資事甚悉前

思文書院經費札文

戶部尚書

閻敬銘朝邑人

欽差稽查山西賑務前工部右侍郎閻爲札署稷山縣王令知悉據解州馬牧絳州李牧會詳審辦已革稷山縣知縣王令懋庚一案內有增生王莪增生王維屏生員甯肯堂捐助該縣思文書院膏火銀二千一百兩擬請檄飭稷山縣紳士來州領回議立章程存當生息以爲延請山長考課士子獎賞之用本部堂准此查該縣紳旣捐有成數自當領回爲書院早立章程札到仰該令迅派妥紳攜帶文領赴絳州將

庫存該縣生員王莪等捐輸銀二千一百兩領回發
典商生息月利一分每年可得利銀二百數十兩以
一百二十兩爲延請山長膳脩以一百數十兩爲生
童膏火此項經費既係民捐該書院山長以後卽由
紳士擇定稟明該縣聘請不由各衙門推薦該令卽
會同翰林院編修前湖北學政王督同內閣中書賈
任內閣中書鄭克昌州同銜衛樹椅千總王培壩生
員賈鈺鄭鑑如焦玉瑞王建勲等妥議章程以期經
久無弊如有好義者續爲捐輸則束脩膏火更可增

加以爲義舉除咨

爵撫部院照會兩司河東道並行絳州遵照外合行
札知札仰該令妥速遵辦仍卽通行稟報此札

思文書院續捐膏火碑記

縣令

馬

鑑

南海人

書院之有膏火所以示鼓勵也稷山思文書院舊有
膏火而不贍未足以示鼓勵前任馬公商之思文社
白事每年從思文社撥膏火銀叁拾兩按三六九月
發業已詳報在案又以爲未足而續捐若干此足以
示鼓勵矣余自壬午冬來蒞茲土人文蔚起蒸蒸日上

上者固已遠駕乎從前時主講者爲余之同年荆梧岡先生品端學粹足以矜式士林而又認真督責不憚煩勞是以挾卷而來者皆有爭自琢磨之意譬如草木經時雨之潤無不勃然而興焉噫盛矣然人材益盛而膏火愈形支絀仍不足以示鼓勵本擬籌款廣增課額以爲永久計乃民力未紓僅又捐銀若干斯亦岷源之濫觴耳奚足以示鼓勵方俟後圖甲申秋適有絳縣之命行有日矣監院諸君乞弁數言而勒之石余按臚續捐款有籍可稽惟未能如願此余

之有賴於諸生而不能不俟諸後人也余卜吉有曰
竊欲爲一言以爲諸生勸昔孔子謂子夏曰女爲君
子儒無爲小人儒又曰君子喻於義小人喻於利是
知喻義者爲君子儒喻利者爲小人儒夫聖人之教
必汲汲於義利之辨者所以端士習崇學術正人心
而維風俗也諸生肄業其中者果知以義爲利而不
以利爲利焉將見束脩自好不肯苟爲多讀有用之
書以備

國家之選異曰鼓吹

休明宣揚

德化文章炳於

利山縣志 卷之八 三
當時功業施諸後世者未必不由於此此余與主講
者之所望抑亦監院諸君之望也若徒知以利爲利
不能克自振拔是豈所望於諸生者哉夫振興文教
守土之責也後之蒞茲土者再能隨時籌畫則膏火
愈增而人文日進諸生之所以自爲鼓勵者又不知
若何加勉也

誥封奉直大夫翰林院編修附貢生王君墓誌

銘

閻敬銘

同治戊辰七月初五日稷山附貢生 封奉直大夫

翰林院編修王君卒於塢堆村里居其年十一月十
一日葬村南原祖塋右側乙山辛向以葬急闕墓銘
光緒辛巳八月二十一日配衛宜人年七十四卒十
一月二十七日啟君壙合窆焉孤文在乞爲之志君
諱天祥字瑞宇號虛齋先世皆諸生耕讀爲業祖諱
朋本生祖諱車八品頂戴父諱心普字濟之國學生
皆以文在貴 贈如其官祖母氏李本生祖母氏高
母氏朱氏馬均 贈宜人庶母氏丁兄弟三人君爲
仲濟之君雅好讀書以貧業賈晚生君督課嚴且卒

誠後世必業儒君年甫弱冠生計復促苦學力行強
自樹立久之爲縣學生員從學本族海亭先生二十
年教及門子孫以小學孝經爲宗經籍皆手鈔錄前
賢格言顏氏家訓爲日課造詣立教一以儒先道術
之學體勤儉循禮度躬親農業卒時年六十以場圃
料量禾稼失足蹉跌遂不起君之克體親志勤何如
也而延師厚束脩睦族修祠宇助婚喪施義舉縣令
推君爲一鄉祭酒約束里社消弭奸宄同治丁卯冬
捻匪擾晉人率爲避亂計君顧集村衆布方畧力籌

守禦其施愛智力又如此俗之汨於利欲深矣繩墨
修潔之士已難多覩如東漢杜密之一無隱情惜已
自好者或避嫌遠事而不肯爲蓋非六行克兼而忠
信爲物所孚者不能也君當之矣衛宜人八品銜悅
翼女佐君事舅姑得歡心馬宜人年八十洩泄中裙
廁踰澣濯事不假人籲於神願減身年益姑壽以寬
和佐君方嚴操家政曲有儀法君有舅母從母貧寡
君時俛助君卒十餘年宜人事之益厚從孫漬孤苦
召而撫之爲再授室傭工病者醫之歲饑傾資恤餓

者文在持節典試雲南督學湖北宜人年逾七十恒
率子婦孫婦親炊爨場畝事室無婢媼戒子孫勿染
宦習隳家風文在兄弟體父母訓兼訓其子孫皆詩
書禮義有聞於時並以母年高同棄官歸養有合儒
者事親之道濟之君命儒術傳家君之孝親詒後者
何其遠大而子姓之科第文詞爲時所艷稱者舉不
足爲君重也子文化咸豐戊午科舉人前右玉縣學
教諭文在同治戊辰科進士及第翰林院編修文秀
五品銜女三舉人段自勇趙俊龍甯俊英其婿也孫

六淳優貢生涵未入流銜澂附學生濂潏測孫女二
曾孫男二曾孫女二銘曰問學爲人文行爲出體孝
型方律家室昌志垂謀一儒術奕葉傳經勉無極

勅贈儒林郎布政司理問銜國學生鄉飲大賓

其華王公墓表

兵部侍郎

畢道遠

淄川人

余嘗謂人不必有奇節奇行而但能飭躬孝友治家
嚴肅施舍不吝忠信不欺已自高出尋常數等如

勅贈儒林郎布政司理問銜國學生鄉飲大賓其華
王公者洵足稱焉公諱灼字其華汾陰乃其號也高

祖諱命臣曾祖諱仁安厝甘泉村南祖塋壬山丙向
祖諱統先安厝村東子山午向父諱若桐早逝

勅贈儒林郎與母劉氏安人合葬公墓左壬山丙向
公少孤失怙時方七歲兄嫂又相繼沒僅留遺腹子
維時門戶衰落母劉氏安人決不肯令公外出公雖
常有四方志而默念萱闈落寞烏哺愴心棣鄂凋殘
燕語隕涕時偕農家子博負擔微利佐太安人含飴
歡未嘗離里門一步也蓋其孝友固有得於天者今
夫鄉里有善人而婦孺咸資觀感父兄有令德而子

弟胥式儀型公勤儉方嚴中年服賈本邑歸卽訪耕
耨問種植年七十猶不時負耒荷鋤往來阡陌間尤
深惡少年携蒲游手惡習其子弟聰秀則教之讀樸
魯則責以耕迨乎晚歲子姪盈庭孫曾林立託業雖
不一途終公之世絕不聞有不肖子習氣視劣父兄
不能訓誡子弟而坐聽其踰閑蕩檢不可收拾者殆
相去不啻九牛毛也斯其治家真可謂嚴肅矣抑又
驗之人情救災誠屬仁人而小康者非易捐田洵稱
義舉而創始者更難丙午歲大饑貧民爭掠富家粟

邑侯不能制勸素封家賑貸意初不在公也公偏憐
慨指困爲吝嗇者先夫公以艱難起家宜乎視菽粟
如金玉而乃急於活人如此公莊毗連東渠村車路
自南而東而北盤折曲迂兩村僉議別開孔道而憚
於先發公首割膏腴以倡之而僻徑化爲康莊至今
行者歌公頌公幾同峴山墮淚之遺是何其施舍不
吝而古道獨照人也若夫幹事而才力必竭致諸已
者爲忠處事而要約必踐孚於人者爲信公才識曉
暢而性情卻極質厚凡事到公手輒辦無留難無營

謀能使當局者心折以故高梁兩舉大工修稷廟建
試院動貲累萬邑宰獨信任公而稷人識與不識亦
咸謂非公不能了此事戚舊每有所囑知明處當曲
盡人情齎事後其人感激涕往往謂其自爲謀不過
如是且未必如是噫詐諛成風恬不爲怪求如公之
忠信不欺者誰耶余部務餘暇偶與王子杏樵談及
公之嵯畧而欣然歎其宗之大有偉人也爰臚其大
端以表之

重修洞神宮記

深州知州

王炳壇 邑人

稷治北郭外乾字域舊有洞神宮一區正殿三楹旁
列護法二殿蓋元人所建崇祀老子者也而山門尤
雄視高阜盤鬱尊嚴枕姑射拱稷峯夾崑崙俯汾水
登臨環眺遠近山川形勢村落室廬無一不收入望
中其殆闔邑風水所攸關而靈秀所鍾漚乎前明鄉
先達梁立夫先生昆季及王道甫裴公受諸先生曾
結社會友其上樂羣程藝星聚一堂先後博巍科膺
鄉貢者富至二十六人地靈人傑於斯爲盛殿東壁
尙有題名碑在焉形家或謂之天柱或謂之壽星臺

豈亦有所見歟顧自我朝乾隆間重修以後迄今已
百餘年棖棟崩折垣墉圯傾昔之奉明禋資絃誦者
今幾樵者樵牧者牧一芻蕘之場矣北關紳耆顧而
惜之爰糾社人迺議修葺或總司其事或分董其成
募金鳩工未踰年而事歲行其庭莊嚴煥采瞻其象
金碧生光方之前人締造舊規有過之無不及也無
如地址廣濶屋宇無多諸紳耆又括修廟羨餘之金
爲百年樹人之計續於東西廂添構義學二十餘間
可棲息生徒二十餘人惟惜詢之紳耆僉稱學舍旣

已繕完而修膳尙無所措刻下稷人窮困籌款實有
不逮余曰否否天下事不倡則不起不激則不奮吾
稷風俗樸厚有諸君子以開其先必有衆君子以繼
於後異日轉歉爲豐諒當有慨捐重貲共襄盛舉不
肯讓諸公獨爲君子矣從此敦延師傅造育英髦他
年論秀書升奮青雲而上者安知鳳翥鸞翔不與有
明文社諸公後先相輝映耶此則諸紳耆修舉廢墜
培植人才而深有裨於文教且大有功於稷人者也
昔余襄賑至籍馳赴河中督辦事件經理父老請撰

碑文謹敘其事而爲之記工始於丙子孟冬而成於
丁丑孟冬中緣歲逢大禋暫緩落成故於今始樹碑
云

贈王霖九

惲 格 南田

朔雁風高下荻蘆太行西去斷雲孤明朝別路
思公子君在河東我在吳

已議之而後發時無所措則不為人所困矣

不速余曰吾舍天下事不倡則不起不激則不怒

緩風俗模厚有諸君之助則必有眾君子以

於公思公于吾亦既東邦吾吳相重貴其義

賤飄風高不飛蘆太汴西去瀾雲孤脚陳眼

年韻王霖此言實而士女知所歸附也

云胡文公在公後先相和取用此詩者甚多

丁丑孟冬中絲蕩發大甄漕幾發州姑蘇今故

縣文公錄其事而為之記工故賦丙午孟冬而

